

Վ Ե Ր Ժ Ա Ր Ա Ն

ՄԱՆԿԱԳԱՐԺԱԿԱՆ ԱՄՍԱԳԻՐ

ԴԵԿՏԵՄԲԵՐ

1882 Ա. ՏԱՐԻ

№ 5

ՄԱՆԿԱԿԱՆ ԲԱԺԻՆ

Ժ Ո Ղ Ո Ղ Ի Դ Ա Պ Ա Ն

ՀԻՆ ԶՐՈՅՑ

Նա ահիմ ժամանակ մի թագաւոր կա
Զօրեղ, իմաստուն և շատ էլ արգօր:
Վա որ ծերացաւ, մօտեցաւ մահուան,
Զբգիտէր թէ ով կ'աջօրդէ իրան:
Թէպէտ նա ունէր տասներկու որդի,
Բայց չէր իմանում, թէ որին ընտրի:
Մեծը աւժով էր, բայց անգութ ու չար,
Նորանից փոքրը թող ու ցաւագար,
Երրորդը տնկագ և խելքից պակաս,
Զորրորդը անմիա, թէն ունիմաս:
Այսպէս ոչ մէկը իր օրտովը չէր,
Ոչ մէկն իր հօգին, եր խելքը չունէր:
Միայն մի քիչ յայս փոքրիկն էր տալիս,
Նա էլ հօրը մօտ շատ չէր գնում գալիս,
Այդ պատճառով էլ հայրը չը գիտէր,
Թէ արդեօք նա ինչ շնորհքի տէր էր:

* *

Վերջապէս մի օր՝ տես ի՞նչ հնարեց.—
 Իւր հաւատարիմ ծառային կանչեց,
 Թէ գնա մի լաւ ցախաւել քաղիր
 Երեք—չորս տեղից պինդ ուռով կապիր:
 Երբ որ ասածը ծառան կատարեց,
 Բերաւ ցախաւելն առջեւ դրեց,
 Նա կանչեց իր մօտ բոլոր որդոցը,
 Եւ առաջարկեց հնարած գործը:
 «Սիրելիք, ասաց, ես ձեզ կանչել եմ,
 Որ վերջին կամքս ամէնքիդ յայտնեմ:
 Ինչպէս տեսնումէք, ես ծերացել եմ,
 Եւ բաւական է, որքան ապրել եմ:
 Շուտով իմ նախնեաց ճանապարհ կ'երթամ,
 Նրանց պէս ես էլ սեւ հող կը դառնամ,
 Բայց քանի ողջ եմ, շունչս բերնումս
 Կուզեմ ձեզ յայտնել՝ ի՞նչ կայ մտքումս:
 Ահա ձեր առջեւ մի նոր ցախաւել,
 Որ ես հէնց այսօր կապել եմ տուել.
 Ով որ ձեզանից կը կոտրէ սորան
 Իմ թաղն ու գահը ես նորան կը տամ:
 Դէհ, առաջ եկէք, ուժերդ փորձեցէք,
 Տեսնեմ ձեզանից որքո՞ր կը կոտրէք:

*
* *

—Հայր, ես կը կոտրեմ, ասաց մեծ որդին
 Եւ վստահութեամբ մօտեցաւ աւլին.
 Վերցրեց աւելը և ծունկը կալաւ,
 Քաշեց, քաշքշեց, ոչինչ չի եղաւ.
 Շատ քրտինք թափեց, շատ չարճարուեցաւ,
 Դեղնեց, սփրթնեյ և յետ քաշուեցաւ:
 Յետոյ երկրորդը եկաւ վեր առաւ,
 Նա էլ իր եղբօր դառն օրին հասաւ.
 Երրորդն էլ եկաւ իր ուժը փորձեց,
 Բաւական տանջանք չորրորդն էլ կրեց.
 Միւսներն էլ իրանց բախտը փորձեցին

Բայց ցախաւելը չի ել ծռեցին:
Ամէնից վերջը փոքրը մօտեցաւ.
Եւ իր հօր առջև տես ինչ խօսեցաւ:

* *

— Հայր, ես չեմ ուզում իմ ուժը փորձել,
Իմ եղբարց նման ի գուր չարչարուել.
Ես երեսայ չեմ, որ ձեռքս մեկնեմ
Դէպի լուսինը, որ նորան բռնեմ.
Ջուրը կը խեղդէ, կրակը կ'այրէ,
Ով այս չը գիտէ, թող ինքը փորձէ:
Ես ուժ տեսնում եմ ամենայն բանում,
Թէ երկրիս վերայ և թէ երկնքում:
Առ մի բարակ ծեղ, մի մազ կամ մի թել,
Մեծ ուժ կը գտնես ամէնի մէջ էլ:
Շատ անգամ փոքրը յաղթում է մեծին
Ինչպէս մոծակը գազան առիւծին.
Թէ փոքրիկ միջատ, թէ ուղտ ահագին
Ամէնքն էլ ուժից մէկ բաժին ունին:
Կայ և խելքի ուժ, ինչպէս և սրտի,
Աչքի, ականջի, ձեռքի և ոտքի.
Ուսերն ու մէջքն էլ պակաս ուժով չեն
Բայց դոքա թոյլ են թէ միացած չեն:
Ուժով չի լինիլ ոչ մի առարկայ,
Եթէ մասներում միութիւն չը կայ.
Մասերն իրար հետ երբ սերտ կապ ունին
Այդպէսով միայն ուժով կը լինին:
Այսպէս շատ անհատ երբ որ միանան,
Մեծ եւ չափազանց մեծ ուժ կը ստանան,
Մեզ լաւ օրինակ մըջիմն ու մեղուն
Թէ նրանք խմբով ինչեք են անում,
Նրանց պէս եթէ մարդիկ միանան,
Լեռներ կը շրջեն եթէ կամենան:
Եւ ինչքան լճեր, ինչքան ջրանցքներ
Միացած ուժով կարող են շինել,

Եւ մեր թշնամուն ինչպէս կը յաղթենք,
 Եթէ ամէնքս մէկ տեղ չը կռուենք:
 Եթէ ես քո տեղ թագաւոր լինեմ,
 Տես իմ թշնամուն ինչպէս կը յաղթեմ.—
 Նորա միութեան կապը կը քանդեմ,
 Ուժերն իրարից կը հեռացնեմ
 Յետոյ նախ մէկին և ապա միւսին
 Ջոկ ջոկ ջարդելով կընկճեմ ամէնքին,
 Իսկ իմ տէրութեան ցրուած ուժերը
 Ինչպէս ցախաւիղ ճկուն ճղները
 Ամուր կապերով կապած կը պահեմ
 Այս է քո միտքն էլ, ես ինչքան դիտեմ:
 Բայց որ ասածս լաւ հասկացնեմ,
 Տեսէք աւելը ինչպէս կը կոտորեմ:»
 Եւ այս ասելով՝ նա վեր է առնում
 Աւլի կապերը քանդում, արձակում
 Ճկուն ճղները մէկ մէկ վերցնում
 Ամէնի առջև կոտորատում ջարդում:

* *

—Ապրիս, իմ որդի, ասում է հայրը
 Քեզ արժանի է իմ թագն ու գահը:
 Գրկում է որդուն ճակատից պաշտում
 Եւ թագն իր ձեռքով գլխին է դնում:
 «Տեսէք, ասում է միւս եղբայրներին
 Դուք չը նախանձիք ձեր եղբոր փառքին
 Եթէ սորա հետ սերտ սիրով մնաք,
 Աւելի մեծ ուժ և փառք կը ստանաք,
 Իսկ եթէ զատուիք և ջոկ ջոկ լինիք
 Քանդուած աւլի պէս շուտ կը կոտորուիք:
 —Մենք հնազանդ ենք—ասում են նրանք
 Տալով եղբորը պատիւ և յարգանք
 Իմաստուն որդին հասաւ մուրազին
 Դուք նոյնպէս հասնէք ձեր մուրազներին

Պ. ԱՂԱՅԵԱՆՑ.

ՄԱՐՄՆԱՍՍՐՁԱԿԱՆ ԽԱՂ

(ՄԱՆԿԱԿԱՆ)



Ահա եկաւ խոտ հարողը,
Ուսին դրած գերանդին,
Բոլոր խոտը ու հարել է
Բան չի թողել մեր հանդին:

—Այ խոտահար, ասա տեսներ,

Դու ինչպէս ես խոտ հարում,

—Այսպէս ահա, լաւ նայեցէք,

Ես այսպէս եմ խոտ հարում.

Հէ՛հպ, հօօպ,

Հէ՛հպ, հօօպ...

—Ախ, ի՞նչ լաւ է, եկէք սովորենք.

Մենք էլ այդպէս խոտ հարենք.

Հէ՛հպ, հօօպ...

Հէ՛հպ, հօօպ...

* *

Ահա եկաւ մեր հնձողը,

Զեռքին փայտէ մատնոցներ,

Պատրաստել է սուր մանգաղը,

Պէտք է հնձէ մեր արտեր:

—Հնձող եղբայր, ասա տեսներ,

Դու ինչպէս ես հուճ տնում:

—Այսպէ՛ս ահա, լաւ նայեցէք,

Ես այսպէս եմ հուճ անում.

Հէ՛պ, հօպ, հէ՛պ,

Հէ՛պ, հօպ, հէ՛պ...*)

*) Գերանդիով հնձելն, երկու տակա ղւնի,

իսկ մանգաղով հնձելը՝ երեք:

Ախ, ի՞նչ լաւ է, եկէք սովորենք,
 Մենք էլ այդպէս հունձ անենք
 Հէպ, հօպ, հէպ
 Հէպ, հօպ, հէպ...

Ղ. ԱՂԱՅԵԱՆՑ.

ԲԵՐՆԱՐ ՔԵՌՈՒ ԽԵՑԵՍՈՐԹԸ.

ԵՐԿՄԱՆ ՇԱՏՐԻԱՆԻ

Բերնար քեռու պահարանի վերայ մի մեծ վարդա-
 գոյն խեցեմորթ կար, որ հազուագիւտ էր Գունդա-
 տրիւկի անտառներում, և գտնվում էր ծովից 150 լիօ հե-
 ուաւորութեամբ: Ծերունի նաւավար Դանիէլ Րիխտերն
 այդ բերեց ովկիանոսի միւս ափից որպէս չիշատակ իւր
 ճանապարհորդութեանց: Գուք կարող էք երեւակայել, թէ
 ինչպիսի հիացմամբ մենք՝ գիւղի երեխայքս նայում էինք
 այս հրաշալի խեցուն: Ամէն անգամ, երբ քեռիս դուրս
 էր գնում տանից, մենք վազում էինք սենեակը, գլխարկ-
 ներս չը վերցրած և ձեռքներս գրպաններումս դրած շար-
 վում էինք և զննում ամերիկական խխունջը, որպէս
 անուանեց Գրիբէլ պառաւ աղախինը:

Լիւգվիգն ասում էր, որ այդ խխունջը լինում է
 ցանկերի տակ, Կասպերը պնդումէր, թէ լողում է գետի
 մէջ, բայց ոչ մէկը ճիշտ չը գիտէր:

Մի անգամ քեռի Բերնարը լսեց մեր վէճը և ծի-
 ծաղեց: Նա գլխարկը սեղանի վերայ դնելով, վերցրեց
 խեցեմորթը և նստելով բազկաթոռի վերայ ասաց.

— Որդիք, լսեցէք սորա մէջ ինչ տեսակ ձայն է
 լսվում:

Իսկոյն իւրաքանչիւրը մեղանից ականջը դրեց խեցե-
 մորթի վերայ և մենք լսեցինք մի օտարոտի ձայն, որ

կարծես թէ Հառաչանաց, շշնչի և կամ Հողմի ձայն էր, ինչպէս երբեմն լսվում է անտառում: Մենք զարմացած նայում էինք միմեանց:

—Հը, ի՞նչ էք մտածում, Հարցրեց քեռիս:

Ոչ ոք չը կարողացաւ պատասխանել: Այն ժամանակ նա ասաց ծանր և մեղմ ձայնով.

—Որդիք, այդ ձայնն արիւնից է առաջ գալիս, որ պտտվում է ձեր գլխում, ձեռքերում, սրտում և առհասարակ ձեր բոլոր անդամներում: Մի տեղում նա հոսում է հանդարտ վտակի պէս, մի այլ տեղում խփում է հեղեղի կամ ուժեղ և լայն գետի նման: Արիւնը ձեր բոլոր ներքին գործարաններին կեանք է տալիս—որով դուք ապրում և աճում էք: Այժմ, որպէս զի դուք լաւ հասկանաք, թէ ինչո՞ւ է խեցեմորթի մէջ ձայն լսվում, պէտք է մի բան բացատրել: Ձեզ յայտնի է դատարկ կոչուած ժայռի արձագանքը, որ լետ է դարձնում ձեր խօսքերը նոյնքան պարզ, որպէս արտասանել էք, ձեր երգերը և հովուական սընդի գեղգեղանքը, երբ դուք երեկոները կանչում էք ձեր հօտերը: Այս խեցեմորթի ձայնն էլ նման է արձագանքին, միայն այն զանազանութիւնը կայ, որ երբ ականջներդ դնում էք նորա վերայ, այն ժամանակ նորա մէջ լսվում է այն ձայնը, որ ձեր մէջ է լինում և այդ ձայները նման են երկնային և երկրային ձայներին, որովհետեւ մեզանից իւրաքանչիւրը կազմում է փոքրիկ աշխարհ:

Ապագայում, երբ դուք կը լինիք հասակաւոր մարդիկ, աւելի լաւ կը հասկանաք իմ խօսքերը և կ'իմանաք, որ իմ ասածները ճիշտ են: Իսկ այժմ, սիրելիք, արթուն պահեցէք ձեր հոգին, մի արատաւորէք ձեր մտքերը, որովհետեւ սորանում ևս կայ կեանք: Արարիչը ձեզ տուել է հոգի, որ ձեզ լուսաւորէք այնպէս, ինչպէս արեգակը, որ Նորա ստեղծածն է նմանապէս—երկիրս լուսաւորելու: Իմացէք, որդիք, որ երկրիս վերայ կան տեղեր, ուր արեգակը երբէք չէ լուսաւորում: Այդ տեղերը

շատ դժբաղատ են: Մարդիկ այնտեղ չեն կտրող ասրել, այնտեղ չը կան ոչ ծաղիկներ, ոչ ծառեր, ոչ պտուղներ, ոչ թռչուններ, ոչ ինչ, բացի ձիւնից և սառուցից, այնտեղ ամէն բան մեռած է. այդպէս և դուք կը լինիք, եթէ խաւարեցնէք ձեր հոգին, ձեր ներքին փոքրիկ աշխարհը կը նսեմանայ և դուք դժբաղատ կը լինիք: Ուրեմն փախէք այն բաներից, որոնք կտրող են շփոթել ձեր հոգին. ծուլութիւնը, սրկրամոլութիւնը, անհասկանալիութիւնը և մանաւանդ խաբէրայութիւնն արատներ են, որոնք մառախուղի պէս կը ծածկեն ձեր հոգին և կը քօղարկեն: այն լոյսը, որ Արարիչը ձեզ պարգևել է: Եթէ դուք պահպանէք ձեր հոգին, այն ժամանակ նա կը փայլի որպէս արեղակ և դուք երջանիկ կը լինիք:

Ահա այսպէս խօսեց քեռի Բերնարը և մեզանից իւրաքանչիւրը լսելով նորան, ուխտեց ինքն իրան հետեւել նորա բարի խորհուրդներին և չը թոյլ տալ, որ չոր մառախուղը խաւարեցնէ մեր հոգին:

Նորանից յետոյ շատ անգամ ես ականջս դրել եմ խեցեմորթի վերայ: Աշնան երկար օրերին, իւրաքանչիւր երեկոյ դաշտից վերադառնալով ես վերցնում էի խեցեմորթը գոգս և թշերս կպցնելով նորա վարդագոյն արծնապակուն, ուշադրութեամբ լսում էի:

Բայց ինձ ամէնից շատ զարմացնում էր այն, որ խեցեմորթի շշուռնը լսելիս ինձ թւում էր, որ ես իմ մտքի շարժումները որոշում եմ, մի քանիսը համեստ և քնքոյշ էին, միւսներն ուրախալի, մի քանիսը նման էին սոխակի երգերին զարնան մօտենալու ժամանակներում և այս ինձ հիացնում էր: Ես այսպէս բերանաբաց և չռած աչքերով ամբողջ ժամեր կը նստէի, եթէ մեր պառաւ Գրիգելը ինձ վերայ չը գոռար.

— Ֆրիցել, ինչ է պատահել քեզ: Հեռացիր, խընդրեմ, այդ խիտնջից և սեղանը պատրաստիր, ահա բժիշկն էլ գալիս է:

Այն ժամանակ ես ակամայ խեցեմորթը դնում էի

որսհարանի վերայ և ինձ ու քեռուս համար սեղան էի պատրաստում, վեր էի տունում ջրի մեծ շիշը և դնում աղբիւրը ջուր բերելու:

Մի անգամ խեցեմորթում ես լսեցի փոքր ինչ անախորժ ձայներ և սարսափեցայ: Այս երևի նորանից էր, որ ես էլ ինձանից դժգոհ էի, մռայլ ամպը ծածկել էր իմ հոգին. մեղը իմն էր, իմը:

Բայց պէտք է ձեզ պատմել սկզբից, բոլոր ինչ որ պատահել էր: Ահա:

Մի անգամ ճաշից լետոյ ես և Լիւդվիգը ոչխարներ էինք արածում Ալտենբերգի հովտում. մենք խաղում, սուլում էինք և ոչ մի բանի վերայ չէինք մտածում: Այժերը ժայռերի գագաթների վերայ էին վազվզում պարանոցներն երևացնելով կապոյտ երկնքում: Մեր պառաւ անատամ Բոհել անունով շունը նիւհում էր թաթերի մէջ պահելով իւր դունչը: Մենք եղևնու ստուերումն էինք հանգստանում, երբ յանկարծ Լիւդվիգը ցոյց տուեց ինձ ծառի խողոզն ասելով.

—Նայիր, ժայռի մօտ, մեծ ծառի վերայ մի սարեակի բոյն կայ:

Ես նայեցի և տեսայ մի ուրեակ, որ երևի նշմարեց, որ մենք նորան էինք նայում, որովհետև անհանգիստ ուստնում էր մէկ ճիւղից միւսը:

Քեռի Բերնարը շատ անգամ էր արգելել ինձ բոյներ քանդել, բայց և այնպէս այդ փտած մեծ ճիւղի խողովում գտնուած բոյնն էլ կործանուելու վերայ էր:

Խորասուզուած մտածմունքի մէջ՝ նայում էի այն կողմը:

—Այնտեղ կան ձաղուկներ, ասաց Լիւդվիգը. — այս առաւօտ, երբ ժայռի վերայ թրթնջուկ էի քաղում, լսեցի նոյա ծլվոցի ձայնը. նոքա վաղը կը թռչեն, որովհետև արդէն թռեւորում են:

Ես բոլորովին լռել էի, բայց փորձելու ցանկութիւնն յաղթեց ինձ:

Իսկոյն վերկացայ և մեծ դժուարութեամբ բարձրացայ դէպի ծառը և փորձեցի բռնել, բայց շատ հեռու էին: Դժբախտաբար մօտը կար մի փոքրիկ ծառ: Ես բարձրացայ նորա վերայ և այսպէս կարողացայ մեծ ծառի ճիւղից բռնել և անցկացայ նորա վերայ: Սարեակները ողբալի ձայնով ճչում էին և ծածկվում տերևների մէջ: Ես նոցա վերայ ուշադրութիւն չը դարձրի: Չորացած ճիւղի վերայ նստեցի որպէս ձիու վերայ, որպէս զի հասնեմ բնին: Նորա մէջ կային երեք ձագուկներ և մի ձու. խելքս գնաց: Թռչունները վզերը բարձրացրին և բացարին իրանց դեղին կտուցներն այնպէս մօտ, որ ինձ շատ հեշտ էր թւում նոցա ձեռք բերել: Ես մօտեցայ և գեռ հագիւ էի մեկնել ձեռքս, երբ յանկարծ ճիւղը կոտորեց և ես հագիւ միայն կարողացայ արտասանել «Ա՛խ, Տէր իմ» խօսքերը: Օդի մէջ շուռ եկայ և ընկայ ստորին ճիւղի վերայ, կաշելով նորան բոլոր ուժովս: Ամբողջ ծառը ցնցուեց և կոտորեաւ ճիւղը վայր ընկաւ ուղղակի ներքեւը: Հովտում վազող վտակի մէջ և տակովն եղաւ: Ես կամաց կամաց հասայ ծառի բնին, Աստծուն գոհութիւն մատուցանելով ազատութեանս համար և դեղնած ու սփրթնած իջայ ծառից: Գլխիս վերայ պտոյտ էին գալիս ծեր սարեակներ, ցաւալի ճիչ բարձրացնելով: Լիւդվիգը փախաւ, բայց երբ մօտենում էր Ալտեմբերգին, պատահեամբ յետ նայեց և տեսնելով ինձ ողջ և առողջ, վազեց դէպի ինձ հեւալով և աղաղակելով:

— Դու կենդանի՞ ես, ուրեմն անդունդը չընկաւ:

— Այո, պատասխանեցի հագիւ շարժելով լեզուս, կենդանի եմ, Աստուած փրկեց ինձ: Բայց շուտով հեռանաք այստեղից, սաստիկ վախենում եմ:

Երեկոյեան 7 ժամն էր, եղևնիների ետև արեգակը մայր էր մտնում և այս անգամ ես անկարող եղայ ոչ խաբըներին նայել: Շունը ժողովեց հօտը, որ հայնդարտ գնում էր Դիրշլանդի թողոտ ճանապարհով: Այս երե-

կոյ ես և Լիւդվիգը, չէինք սուշում ու մեր սրինգը հնչեցնում և դասարկ ժայռի արձագանքը չէր կրկնում մեր ձայնը: Մենք բսլորովին վախեցած էինք և ծնկներս դողում էին: Երբ մենք հասանք գիւղը և ոչխարներն իրանց փարախը մտան, ես Լիւդվիգին ասացի.

—Ոչ ոքի հօ չե՞ս ասի այս բանը:

—Ապահով եղիր, ասաց նա:

Ես գնացի քեռուս մօտ: Նա գնացել էր սարը այցելելու ծերունի հիւանդ փայտահատին: Գրիգելը սեղան էր պատրաստում: Քեռուս ուշանալու պատճառով մենք միայնակ ընթրեցինք:

Գրիգելը սեղանն հաւաքելով խոհանոցում մաքրեց ամանները, իսկ ես մտայ մեր գրադարանը և ահ ու դողով վերցրի խեցեմորթը: Տէր իմ Աստուած, ինչպիսի ձայներ էին լսվում: Ես լսում էի վտակի մռնչիւնը, սարեակների ցաւալի աղաղակներն ու ճիւղերի փշոցը: Եւ այս բոլորից յետոյ ինձ երեւում էին փոքրիկ թռչունները, ջարդուած և ձխլուած: Սարսափս բռնեց: Ես վազելով փոքրիկ սենեակս, պարկեցի, բայց քունս չէր տանում. դողում էի: Ժամը ինն և կիսին իմացայ, որ քեռիս վերադարձաւ: Նա դրան մօտ կանգնելով իջաւ ձիուց, տարաւ նորան ախոռն ու ինքը մտաւ սենեակը: Իմացայ որ նա պահարանը բացեց և բան կերաւ:

—Որ իմանար, թէ ես ինչ եմ արել, ասում էի ինքս ինձ:

Վերջապէս նա պարկեց: Ես շուռ ու մուռ է գալիս անկողնումս, բայց շփոթութիւնիցս չը կարողացայ քնել. իմ հոգին թւում էր ինձ սեւ, ինչպէս թանաք, լացս գալիս էր: Կէս գիշերին յուսահատութիւնս այն աստիճանի հասաւ, որ ես աւելի լաւ համարեցի խոստովանուել, ուստի շապկանց մտայ իմ քեռի. Բերնարի ննջաւանը. նա քնած էր, սեղանի վերայ մոմ էր վառած: Նորա մահճակալի մօտ ընկայ, չոգեցի: Քեռիս զարթոնեց և գլուխը վեր քաշելով զարմացմամբ նայեց ինձ ասելով.

— Դու ես, Ֆրիցել, ինչ է՞ պատահել քեզ, որդեակս:

— Սիրելի քեռի, բացականչեցի ես հեծկլտալով, — ներեցէք ինձ, ես մեղք գործեցի Աստուծոյ և ձեր առաջ:

— Ի՞նչ ես արել, հարցրեց նա:

— Ալտենբերգում ես բարձրացայ ծառի վերայ սարեակների բռնը քանդելու և ճիւղը կոտրուեց:

— Կոտրուեց, Տէր իմ Աստուած:

— Այո, բայց Աստուած փրկեց ինձ, ես բռնեցի մի ճիւղից. բայց ես զգում եմ, որ ծեր սարեակները պահանջում են ինձանից իրանց ձագերը, ինձ թուում է որ նոքա պտոյտ են գալիս գլխիս և ինձ քնել չեն թողնում:

Քեռիս լուռ էր. ես դառնապէս լալիս էի:

— Քեռի ջան, բացականչեցի ես, — այսօր երեկոյեան ես երկար ժամանակ լսում էի խեցեմորթին, ես լսում էի այնպիսի լուսահատական ձայներ, որ ուղղել չարութիւնս արդէն անկարելի է:

Քեռիս բռնեց ձեռքս և մի ըոպէից լետոյ ասաց իւր սովորական ձայնով.

— Ես քեզ ներում եմ: Հանգստացիր... բայց այս քեզ համար կը լինի մի դաս: Մտածիր, ի՞նչ կը լինէր իմ դրութիւնը, եթէ քեզ մեռած բերէին ինձ մօտ: Ծեր սարեակներն ևս զգում են միւսնոյնը, ինչ որ ես կը զգայի, նոքա իրանց ձագերն են պահանջում: Դու սորա մասին չես մտածել. Բայց զղջացիր և ես ներում եմ քեզ:

Նա վեր կացաւ և շաքարախառն ջուր խմեցնելով ինձ ասաց.

— Գնա՛, քնիր... այժմ քեզ ոչինչ չի խանգարի: Աստուած կը ներէ քեզ և դու կը քնես: Բայց վաղուանից ալ ևս ոչխարներ չես արածի, որովհետեւ քո հասակի երեխանցը ժամանակ է արդէն ուսանել:

— Ես հանգստացայ և խաղաղ քնեցի:

Միւս օրը քեռիս տարաւ ինձ մեր ծերունի ուսուցիչ՝ Տօբի Վերիուսի մօտ։ Ճիշտն ասած, առաջին օրերն ինձ համար շատ ծանր էր առաւօտից մինչև երեկոյ սենեակում մնալ անշարժ, ես ցաւում էի ազատութեանս համար, բայց առանց աշխատելու այդ աշխարհում ոչինչ չի կարելի անել։

Շուտով ես սովորեցի աշխատանքին և այդ գործն ինձ սկսեց զուարճացնել։ Մարդս միայն աշխատելով է կարողանում ձեռք բերել մարդկային կատարելութիւնները և ընդունակ դառնում օգտակար լինել իւր շրջապատողներին։

Ներկայումս Բերնար քեռիս ծերացած է. նա ձմեռն իւր ժամանակն անց է կացնում վառարանի մօտ, ամառը ստուերի տակ։

Այժմ ես նորա տեղն եմ և արդէն բժիշկ եմ։ Ես առաւօտը վաղ գնում եմ գործի և վերադառնում միայն երեկոյեան յոգնած։ Իմ կեանքը շատ ծանր է, մանաւանդ ձմեռը, բայց և այնպէս ես երջանիկ եմ։

Առաջուայ պէս խեցեմորթը դրած է մեր պահարանի վերայ։ Երբեմն սարերից վերադառնալիս ես վերցնում եմ այն և առաջուան պէս լսում եմ իմ ներքին աշխարհի արձագանքը։ Իմ հոգու շարժմունքները միշտ ուրախալի չեն լինում, երբեմն տխրալի են, մանաւանդ երբ իմ հիւանդներից մինը մահուան մօտ է լինում և ես չեմ կարողանում օգնել նորան. բայց այդ արձագանքը չէ արդէն այնպէս զարհուրելի, ինչպէս սարեակների բունը քանդելիս։

Միայն նա է երջանիկ, ով որ ունի անվրդով խիղճ. հարուստը թէ աղքատը միայն այն ժամանակ է վայելում կատարեալ երջանկութիւն, երբ խղճմտանքը հանգիստ է։

ԹԱՐԳ. Թ. ԱՏՈՎՄԵԱՆ.

ՁՈՒՄԲԱՒԷ, ԿՆՆԵՆՈՒԿՆԵՐ, ԽՆԴԻՐՆԵՐ:

Զորքորդ համարի մէջ գտնուած զուարճախիբների բացատրութիւնը:

21) Գիրք կարդա՛ւ որ մարդ լինիս. 22) Կուժը արևի դո-
րութիւնը չի իմանալ: 23) Մի ծաղկից օձը թոյն է շի-
նում, ճանճը մեղր:

24)

մ	ա	հ	ա	կ
ա	ւ	ա	ղ	
հ	ա	ւ		
ա	ղ			
կ				

 25) Գանձակ. 26) Սաղը:

27) • • • • • 28) Ամբոխ:

• • • • •

• • • • •


• • • • •

• • • • •


• • • • •

• • • • •



29) Ժողովրդական անած. (Առաջարկեց ա. լսարանի ուսանող
Գ. Ճեմարանի Տ. Յովհաննիսեան:)



Ք




է



30) Առաջարկեց Ա. Ս.



31) Առաջարկեց Ա. Ս.



Հ



ԱԻ



Ա Յ Խ



Է

- 32) Մի վաճառական խանութում ունի մի կտոր կերպաս 20 արշին երկայնութեան: Իւրաքանչիւր օրը նրանից գնում են մի արշին որ նա պարտաւոր է կտրել կտորից: Քանի՞ օրում նա կվերջացնէ կտորի կտրելը:
- 33) Գետնի տակին կարմիր բուղէն դուռում է. իմացէք ի՞նչ է:
- 34) Դարունքին մեզ զարգարում է, ամառը ուրախացնում, աշունքը կերակրում. իսկ ձմեռը տաքացնում. իմացէք ի՞նչ է:
- 35) Առաջին երկու վանկը պտուղ է, երկրորդը՝ առարկայ խօսքի նույնանիշն է. իսկ ամբողջը Հայոց Հին մայրաքաղաք է: Գտէք այդ խօսքը:
- 36) Իմ առաջինը գետերի մօտ թէ՛ անաստանում Անհամար թւով փռուած է լինում.
Առանց երկրորդի երբէք չեն շինում
Ոչ կառք, ոչ սալ և ոչ էլ ջրաղաց:
Ամբողջը գտէք՝ միշտ թափառում է սար ու ձոր ընկած
Եւ աշխատասէր մարդոց սրտի մէջ գցում է սարսափ:

ԽՄԲԱԳԻՐ—ՀՐԱՅԱՐԱԿՈՂ. Ն. ԽՈՍՐՈՎ. ԵԱՆ

Дозволено цензурою. Тифлисъ, 13 Декабря 1882 г.

Типография М. Варганянца и К. противъ Троиц. церк.

ՔԱՂԱՔԱԿԱՆ ԵՒ ԳՐԱԿԱՆԱԿԱՆ

ՄՇԱԿ

Ա Մ Ե Ն Օ Ր Ե Ա Յ Լ Ր Ա Դ Ի Ր

(ՏԱՍՆ ԵՒ ԵՐԿՐՈՐԴ ՏԱՐԻ)

Առաջիկայ 1883 թուին

Կը հրատարակուի նոյն դիրքով և նոյն պրոգրամայով:

ԲԱԺԱՆՈՐԴԱԳԻՆ: Տարեկան 10 ռուբլի, վեց ամսուայ

6 ռուբլի, իւրաքանչիւր ամսուայ 1 ռուբլի:

ՀԱՏՈՎ Համարները 5 կօպէկ:

ՀԱՍՑԵՆ. Типлисъ, редакция «Мшакъ»

Խմբագիր—Հրատարակող ԳՐԻԳՈՐ ԱՐԾՐՈՒՆԻ

Առաջիկայ 1883 թ. յունվարից թիֆլիսում
կը սկսուի հրատարակուիլ

Ա Ղ Բ Ե Ի Ր

Մի ամսեայ հրատարակութիւն երեխաների, ծնողների և
դպրոցականների համար.

(ՏԱՐԵՆԸ ԼՈՅՍ ԿԸ ՏԵՍՆԻ 12 ՀԱՄԱՐ 1—3 ԹԵՐԹ)

Տարեկան գինը 3 ռուբլի, կէս տարուանը 2 ռ, առանձին
համարները 15—40 կոպ.

Ծանօթ. ա) վէպեր, կենսագրութիւններ և այլն կարող
են լինել և պատկերներով:

բ) Համարներից ոչ աւելի քան վեցի բովանդակութիւնը
կարող է միայն և վէպերից կազմուած լինել:

գ) Տարեկան բաժանորդները կը ստանան երկու պրէմիա
յուլիսին մի պատկեր, իսկ գեկտեմբերին օրացոյց առաջիկայ
տարուայ համար:

Հասցէն՝ Типлисъ Редакция «Ахшуръ» իսկ արտա-
սահմանից՝ Tiflis (Caucase) Redaction du journal «Agpur»

Խմբագիր-Հրատարակիչ ՏԻԳՐԱՆ ՆԱԶԱՐԵԱՆՑ

Պ Ս Ա Կ

ԳՐԱԿԱՆԱԿԱՆ, ԱԶԴԱՅԻՆ ԵՒ ՔԱՎԱՔԱԿԱՆ
ԼՐԱԳԻՐ

ԵՐԵՒԱՆԻՄ

Առաջիկայ 1883 թուականին

կը հրատարակուի նոյն դիրքով շաբաթական մի անգամ նոյն պրոգրամայով՝

Տարեկան բաժանորդագինն է երևանում 3ռ., իսկ երևանից դուրս—ամէն տեղ—4 ռուբ. Ինչի՞նչ լծաւ էլի:

Ստորագրուել կարելի է Պատկի խմբագրատանը: Օտար քաղաքացիները գիմումեն՝—*Эривань. Въ редакцію ПСАКЪ.*

Ծանօթ. Եթէ հանգամանքները նպաստեն Պատկը կը հրատարակուի շաբաթական երկու անգամ միեւնոյն բաժանորդագինով:

Հայուհեաց Բարեգործական Ընկերութեան Վարչութիւնը որոշել է առաջիկայ 1883 թուականի Սեպտեմբեր ամսից ունենալ Հայ օրիորդներից մի որդեգրուհի Ս. Պետերբուրգում մանկավարժութիւն կամ բժշկականութիւն ուսանելու համար: Որդեգրուհի լինել ցանկացող անձն աւարտած պէտք է լինի իւր ուսման դասընթացը գիմնագիօնում՝ նախապէս Հայոց միջնակարգ ուսումնարանում աւարտելուց յետոյ: Այսպիսիք իւրեանց առաջարկութեամբ թող բարեհաճեն գիմելու վարչութեանը, ներկայացնելով թէ՛ Գիմնագիօնի և թէ՛ Հայոց միջնակարգ Ուսումնարանի Վարչութիւններէց ստացած վկայագիրներ: